

**FRAMSELD REGLUGERÐ FRAMKVÆMDASTJÓRNARINNAR (ESB)
nr. 1155/2013**

2014/EES/73/24

frá 21. ágúst 2013

**um breytingu á reglugerð Evrópuþingsins og ráðsins (ESB) nr. 1169/2011 um miðlun upplýsinga
um matvæli til neytenda að því er varðar upplýsingar um að matvæli séu glútenlaus
eða glútenskert (*)**

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 1169/2011 frá 25. október 2011 um miðlun upplýsinga um matvæli til neytenda⁽¹⁾, einkum 4. mgr. 36. gr.,

og að teknu tilliti til eftirfarandi:

- 1) Í 2. mgr. 36. gr. reglugerðar (ESB) nr. 1169/2011 er gerð sú krafa að upplýsingar, sem stjórnendur matvælafyrirtækja mega miðla, villi ekki um fyrir neytendum, séu ekki tvíræðar eða rugli neytendur í ríminu og eigi, þegar við á, að byggjast á viðeigandi vísindagögnum.
- 2) Samkvæmt 3. mgr. þeirrar greinar skal framkvæmdastjórnin samþykkja framkvæmdargerðir um beitingu þessara krafna í þeim tilvikum sem tilgreind eru í þeirri málsgrein.
- 3) Í 4. mgr. þeirrar greinar er kveðið á um möguleikann á að bæta við 3. mgr. með því að bæta við öðrum tilteknum tilvikum þar sem framkvæmdastjórnin getur komið þessum kröfum í framkvæmd til að tryggja viðeigandi upplýsingamiðlun til neytenda.
- 4) Fólk með garnaimein af völdum glútenóþols (e. *coeliac disease*) er haldið varanlegu glútenóþoli. Glúten getur haft skaðleg áhrif á þetta fólk og því ætti það ekki að vera fyrir hendi, eða vera til staðar í mjög litlum mæli, í fæðu þess.

5) Í reglugerð framkvæmdastjórnarinnar (EB) nr. 41/2009⁽²⁾ eru settar fram samræmdar reglur um upplýsingar sem neytendum eru veittar um það hvort matvæli séu glútenlaus eða glútenskert. Í reglugerð Evrópuþingsins og ráðsins (ESB) nr. 609/2013⁽³⁾ er gert ráð fyrir niðurfellingu reglugerðar (EB) nr. 41/2009 frá 20. júlí 2016.

6) Eftir að reglugerð (EB) nr. 41/2009 er felld úr gildi skal áfram upplýsa neytendur á viðeigandi hátt og ekki skal villa um fyrir þeim eða rugla þá í ríminu þegar stjórnendur matvælafyrirtækja veita upplýsingar um að matvæli séu glútenlaus eða glútenskert. Því er nauðsynlegt að breyta 3. mgr. 36. gr. reglugerðar (ESB) nr. 1169/2011 til að framkvæmdastjórnin geti sett samræmd skilyrði varðandi matvælaupplýsingar sem stjórnendur matvælafyrirtækja mega veita um það að matvæli séu glútenlaus eða glútenskert.

SAMÞYKKT REGLUGERÐ ÞESSA:

1. gr.

Í fyrstu undirgrein 3. mgr. 36. gr. reglugerðar (ESB) nr. 1169/2011 bætist eftirfarandi d-liður við:

„d) upplýsingar um að matvæli séu glútenlaus eða glútenskert.“

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 21. ágúst 2013.

Fyrir hönd framkvæmdastjórnarinnar,

forseti.

José Manuel BARROSO

(*) Þessi EB-gerð birtist í Stjtið. ESB L 306, 16.11.2013, bls. 7. Hennar var getið í ákvörðun sameiginlegu EES-nefndarinnar nr. 216/2014 frá 24. október 2014 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, bíður birtingar.

(¹) Stjtið. ESB L 304, 22.11.2011, bls. 18.

(²) Reglugerð framkvæmdastjórnarinnar (EB) nr. 41/2009 frá 20. janúar 2009 um samsetningu og merkingu matvæla sem henta fólki með glútenóþoli (Stjtið. ESB L 16, 21.1.2009, bls. 3).

(³) Reglugerð Evrópuþingsins og ráðsins (ESB) nr. 609/2013 frá 12. júní 2013 um matvæli sem eru ætluð ungbörnum og smábörnum, matvæli sem eru notuð í sérstökum lækisfræðilegum tilgangi og þyngdarstjórnunarfæði í stað alls annars fæðis og um niðurfellingu á tilskipun ráðsins 92/52/EBE, tilskipunum framkvæmdastjórnarinnar 96/8/EB, 1999/21/EB, 2006/125/EB og 2006/141/EB, tilskipun Evrópuþingsins og ráðsins 2009/39/EB og reglugerðum framkvæmdastjórnarinnar (EB) nr. 41/2009 og (EB) nr. 953/2009 (Stjtið. ESB L 181, 29.6.2013, bls. 35).

FRAMSELD REGLUGERÐ FRAMKVÆMDASTJÓRNARINNAR (ESB)
nr. 78/2014

2014/EES/73/25

frá 22. nóvember 2013

um breytingu á II. og III. viðauka við reglugerð Evrópuþingsins og ráðsins (ESB) nr. 1169/2011 um miðlun upplýsinga um matvæli til neytenda að því er varðar tilteknar kornvörur sem valda ofnæmi eða óþoli og matvæli með viðbættum plöntusteroólum, plöntusterolestrum, plöntustanólum eða plöntustanolestrum (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 1169/2011 frá 25. október 2011 um miðlun upplýsinga um matvæli til neytenda⁽¹⁾, einkum 2. mgr. 10. gr. og 2. mgr. 21. gr.,

og að teknu tilliti til eftirfarandi:

1) Í II. viðauka við reglugerð (ESB) nr. 1169/2011 er tekin saman skrá yfir efni eða vörur sem valda ofnæmi eða óþoli. Í 1. lið II. viðauka eru m.a. tilgreind „taumhveiti“ (*kamut*) og „spelt“. Hins vegar er „kamut“ skráð vörumerki hveititegundar sem er þekkt undir heitinu „taumhveiti“ (e. *khorasan wheat*) og spelt er einnig hveititegund. „Taumhveiti“ og „spelt“ ættu því að vera tilgreind sem hveititegundir í 1. lið þess viðauka.

2) Í III. viðauka við reglugerð (ESB) nr. 1169/2011 er tekin saman skrá yfir matvæli sem skulu merkt þannig að viðbótarupplýsingar, eitt atriði eða fleiri, komi þar fram. Í lið 5.1 í þeim viðauka er kveðið á um að merking á matvælum eða innihaldsefnum matvæla með viðbættum plöntusteroólum, plöntusterolestrum, plöntustanólum eða plöntustanolestrum verði m.a. að innihalda yfirlýsingu um að matvælin séu einungis fyrir fólk sem vill minnka kólesterólmagn í blóði.

3) Þessi yfirlýsing ásamt heilsufullröðingum sem hafa verið leyfðar fyrir þessi matvæli eða innihaldsefni matvæla gæti hugsanlega haft í för með sér að neytendur, sem þurfa ekki að hafa stjórn á kólesterólmagni í blóði, noti framleiðsluvöruna og því ætti að breyta henni. Slík breyting ætti að endurspeglar orðalagið í yfirlýsingunni sem er sem stendur kveðið á um í reglugerð framkvæmdastjórnarinnar (EB) nr. 608/2004⁽²⁾. Sú reglugerð verður felld úr gildi og í stað hennar kemur reglugerð (ESB) nr. 1169/2011 frá og með 13. desember 2014.

4) Því ber að breyta reglugerð (ESB) nr. 1169/2011 til samræmis við það.

SAMÞYKKT REGLUGERÐ ÞESSA:

1. gr:

Í stað inngangsmálsliðar 1. liðar II. viðauka við reglugerð (ESB) nr. 1169/2011 komi eftirfarandi:

„1. Kornvörur sem innihalda glúten, þ.e.: hveiti (s.s. spelt og taumhveiti), rúgur, bygg, hafrar eða blendingar þeirra, og afurðir úr þeim, nema.“

2. gr:

Í stað 3. liðar í öðrum dálki í lið 5.1 í III. viðauka við reglugerð (ESB) nr. 1169/2011 komi eftirfarandi:

„3) Yfirlýsing um að framleiðsluvaran sé ekki ætluð fyrir fólk sem þarf ekki að hafa stjórn á kólesterólmagni í blóði.“

(*) Þessi EB-gerð birtist í Stjtið. ESB L 27, 30.1.2014, bls. 7. Hennar var getið í ákvörðun sameiginlegu EES-nefndarinnar nr. 217/2014 frá 24. október 2014 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(¹) Stjtið. ESB L 304, 22.11.2011, bls. 18.

(²) Reglugerð framkvæmdastjórnarinnar (EB) nr. 608/2004 frá 31. mars 2004 um merkingu matvæla og innihaldsefna matvæla með viðbættum jurtasteroólum, jurtasterolestrum, jurtastanólum og/eða jurtastanolestrum (Stjtið. ESB L 97, 1.4.2004, bls. 44).

3. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 22. nóvember 2013.

Fyrir hönd framkvæmdastjórnarinnar,

forseti.

José Manuel BARROSO
